



Republika e Kosovës
Republika Kosova – Republic of Kosovo
Qeveria - Vlada - Government

Ministria e Kulturës, Rinisë dhe Sportit / Ministarstvo Kulture, Omladine i Sporta /
Ministry of Culture, Youth and Sports

Prishtinë, 05 Maji 2023

THIRRJA PËR BLERJEN E VEPRAVE TË ARTIT NGA ARTISTËT VENDOR PËR VITIN
2023

Bazuar në Vendimin me Nr. 04/66, të datës 01.03.2022 të Qeverisë së Republikës së Kosovës, me qëllim të ruajtjes, mbështetjes dhe promovimit të krijimtarisë vendore bashkëkohore, Ministria e Kulturës Rinisë dhe Sportit shpall konkurs publik për blerjen e veprave të artit vizual dhe audiovizual për pasurimin e Fondit Shtetëror të Artit në Galerinë Kombëtare të Kosovës.

Me anë të kësaj thirrje, Ministria e Kulturës, Rinisë dhe Sportit në bashkëpunim me Galerinë Kombëtare të Kosovës synon:

1. Të mbledhë, ruaj dhe mirëmbajë veprat e artit që janë krijuar nga artistë vendor;
2. Të pasuroj Fondin Shtetëror të Artit në Galerinë Kombëtare të Kosovës;
3. Të iniciojë tregun e shitblerjes së artit në Kosovë;
4. Promovimi vendor dhe ndërkombëtar i veprave të artit përmes zhvillimit të diplomacisë publike.

Artistët në përputhje me këtë thirrje publike mund të aplikojnë me vepra nga disiplina të ndryshme të arteve pamore:

1. Pikturë;
2. Skulpturë;
3. Vizatim;
4. Grafikë;
5. Tekstil;
6. Qeramikë;
7. Dizajn industrial;
8. Art digjital;
9. Video art;

10. Fotografi;
11. Performancë;
12. Instalacion;
13. Kompozim;
14. Të tjera.

Kushtet e përgjithshme:

Për t'u kualifikuar për blerjen e veprave artistike, aplikuesit duhet të plotësojnë kriteret e përgjithshme si në vijim:

1. Të jenë shtetas të Republikës së Kosovës;
2. Të aplikojnë me së paku 3 vepra dhe më së shumti me 5 vepra artistike;
3. Të mos ekzistojë ndonjë konflikt interesi në mes të aplikuesit dhe organizatës buxhetore Ministria e Kulturës, Rinisë dhe Sportit, siç parashihet me legjislacionin në fuqi në Republikën e Kosovës (Aplikuesi nuk lejohet të jetë i punësuar në MKRS ose institucionet vartëse të saj);
4. Të ofrojnë dëshmi për autorësinë e veprës artistike;

Materialet që duhet dorëzuar për aplikim:

1. CV, dhe biografi e cila përmbanë maksimalisht 500 fjalë;
2. Përshkrimi i praktikës artistike dhe koncepti artistik i veprës, të cilat duhet të përmbajnë maksimalisht 80-100 fjalë;
3. Deklarata për autorësinë e veprës bashkë me specifikacionet teknike të veprës: formati, përmasa, materiali i përdorur, teknika, data e fillimit dhe data e përfundimit, si dhe detajet tjera të veprës varësisht nga mediumi i veprës;
4. Referenca dhe vlerësime profesionale të veprës artistike, të cilat duhet të përmbajnë maksimalisht 150 fjalë - (Opsionale);
5. Për pikturë, skulpturë, vizatim, grafikë, tekstil, qeramikë, instalacion, të bashkëngjiten fotografi të veprës me kualitet të lartë (të paktën mbi 300 pixel për fotografitë në formatin PNG, JPEG ose PDF);
6. Për dizajn industrial, art digjital, video art, fotografi, performancë, kompozim të bashkëngjiten fajllat në formatin digjital (të paktën mbi 300 pixel për fotografitë në formatin PNG, JPEG ose PDF, të paktën 480p për video në formatin .mp4 dhe .m4v)

Vlerësimi i aplikimeve:

Vlerësimi administrativ, që identifikon nëse aplikuesi ka ofruar të gjithë dokumentacionin e nevojshëm në përputhje me kriteret e përgjithshme të përcaktuara me këtë thirrje publike për

kategoritë përkatëse. Plotësimi i dokumentacionit pas afatit të aplikimit, përkatësisht gjatë periudhës së vlerësimit apo afatit të ankesave, nuk është i mundshëm.

Procesi i vlerësimit të aplikacioneve do të realizohet nga një (1) juri profesionale që emërohet me vendim të Ministrit të Ministrisë së Kulturës, Rinisë dhe Sportit.

Afati për aplikim:

Do të konsiderohen për vlerësim vetëm aplikimet që janë pranuar brenda afatit të paraparë, të cilat i përmbushin plotësisht kushtet e përcaktuara me këtë thirrje publike. Afati i fundit për aplikim është 15.06.2023.

Mënyra e aplikimit

Aplikacionet do të dorëzohen vetëm në formularët e paraparë të cilët janë pjesë përbërëse e kësaj ftese publike. Dokumentet e kompletuara në format PDF duhet të dërgohen përmes postës elektronike, në e-mail adresën: veprateartit@rks-gov.net

Do të konsiderohen për vlerësim vetëm aplikimet që janë pranuar brenda afatit të paraparë me këtë ftesë publike, të cilat i përmbushin plotësisht kushtet e përcaktuara të ftesës publike. Kërkesa konsiderohet se është dorëzuar brenda periudhës së ftesës nëse data e aplikimit përmes e-mailit është e data e fundit e përcaktuar për aplikim.

Të gjitha çështjet që lidhen me ftesën publike mund të sqarohen vetëm në mënyrë elektronike, duke dërguar e-mail në adresën: jehona.shyti@rks-gov.net jo më vonë se pesë ditë para mbylljes së ftesës publike.

Vlera totale e planifikuar e thirrje publike është 200,000.00 Euro.

Shkalla e mbështetjes:

- Shkalla e mbështetjes (%) N/A Euro
- Shuma maksimale e mbështetjes për përfituesit N/A Euro
- Shuma minimale e mbështetjes për përfituesit 1,500.00 Euro